



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-019-4/22**
Datum: **12.05.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu PD „FARMA BRKIĆI – GRADINA“, vlasnika Osmana Brkića iz Velike Kladuše, za izdavanje prethodne vodne saglasnosti za aktivnosti proizvodnje mlijeka na prostoru farme muznih krava, na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67. stav 2. Zakona o upravnom postupku („Službene novine Federacije BiH“, broj 2/98 i 48/99), donosi

ZAKLJUČAK

Odbacuje se zahtjev PD „FARMA BRKIĆI – GRADINA“, vlasnika Osmana Brkića iz Velike Kladuše, za izdavanje prethodne vodne saglasnosti za aktivnosti proizvodnje mlijeka na prostoru farme muznih krava, predviđene za gradnju u naselju Gradina, Općina Velika Kladuša, zbog nepotpunosti dokumentacije i smatra se kao da nije niti podnesen.

O b r a z l o ž e n j e

PD „FARMA BRKIĆI – GRADINA“, vlasnika Osmana Brkića iz Velike Kladuše obratilo se ovoj Agenciji dana 17.01.2022. godine, zahtjevom za izdavanje prethodne vodne saglasnosti za aktivnosti proizvodnje mlijeka na prostoru farme muznih krava, predviđenog za gradnju u naselju Gradina, općina Velika Kladuša.

U provedenom postupku, uz zahtjev za izdavanje prethodne vodne saglasnosti, zaprimljen dana 24.01.2022. godine, dostavljena je i pregledana slijedeća dokumentacija:

- Uplatnica upravne pristojbe,
- Ovjerena kopija rješenja, kojim se odobrava Brkić (Adam) Osmanu iz Velike Kladuše, Gradina 57, obavljanje srodne poljoprivredne djelatnosti, u vidu osnovnog zanimanja, pod firmom: Poljoprivredna djelatnost „FARMA BRKIĆI – GRADINA“, sa sjedištem u mjestu prebivališta imenovanog u Velikoj Kladuši; izdano od strane Općinskog načelnika Općine Velika Kladuša pod brojem: 06-21-428/16, dana 03.03.2016. godine, u Velikoj Kladuši,
- Ovjerena kopija Uvjerenja o poreznoj registraciji; izdano od strane Federalnog ministarstva finansija – financija, Porezne uprave Federacije BiH, Kantonalnog poreznog ureda Bihać, dana 10.03.2016. godine,
- Kopija Kopije katastarskog plana, Katastarska općina: GRADINA, Broj plana: 8; izdana od strane Službe za prostorno uređenje, imovinsko-pravne i geodetske poslove Općine Velika Kladuša pod UR BROJ: 03/2-26-233/2022-2, dana 18.01.2022. godine,
- Kopija Zemljišnoknjižnog izvatka, BROJ: 023-0-NAR-22-000 112, Zemljišnoknjižni uložak broj: 686, Katastarska općina: SP_GLINICA; izdan od strane Zemljišnoknjižnog ureda Općinskog suda u Velikoj Kladuši dana 20.01.2022. godine,
- Studija za prethodnu vodnu suglasnost za planirani poslovni objekat – farma muznih krava u naselju Gradina, općina Velika Kladuša, urađena od strane TZI-INŽENJERING d.o.o. Sarajevo pod brojem 391/2021, juna 2021. godine, u Sarajevu.

Nakon uvida u dostavljenu dokumentaciju ova Agencija je obavijestila podnosioca zahtjeva službenim putem, dana 08.02.2022. godine, da je predmetni zahtjev nepotpun te da podnosilac zahtjeva treba da u roku od 30 (trideset) dana, od dana prijema obavijesti, dopuni podnesak zahtjeva sa:

- Zemljišnoknjižni izvadak za parcele označene kao k.č. broj: 1555, 1552/1 i 1553/2 K.O. Gradina, na kojima je predviđena gradnja predmetnog sadržaja (prema situacionom prikazu u Studiji) izdanu od strane nadležnog zemljišno-knjižnog ureda Općinskog suda,
- Kopije katastarskog plana za parcele označene kao k.č. broj: 1555, 1552/1 i 1553/2 K.O. Gradina, na kojima je predviđena gradnja predmetnog sadržaja (prema situacionom prikazu u Studiji),

izdane od strane nadležnog općinskog tijela uprave, sa upisanim podacima o nekretnini, posjedniku, i dr.,

- Pregledna situacija terena sa ucrtanom lokacijom u razmjeri 1:1000-1:5000,
- Mišljenje o usklađenosti planiranih aktivnosti sa dokumentima prostornog uređenja, izdano od strane organa uprave nadležnog za prostorno planiranje.

Nadalje, dostavljenu Studiju za prethodnu vodnu suglasnost za planirani poslovni objekat – farma muznih krava u naselju Gradina, općina Velika Kladuša, urađenu od strane TZI-INŽENJERING d.o.o. Sarajevo pod brojem 391/2021, juna 2021. godine u Sarajevu, treba doraditi na način:

- Uložiti rješenje za obavljanje poslova izrade dokumentacija na osnovu koje se izdaju vodni akti iz 2020. godine (priloženo ovlaštenje iz 2018. godine),
- U opisu tehnološkog procesa rada, proračuna potrebnih količina vode i slično bazirati se na držanju muznih krava (izbaciti opis postupka za tov junadi),
- Dati opis nastanka i procjenu količina tehnološke otpadne vode koje će nastati pranjem i održavanjem posuda za smještaj mlijeka, muznih aparata i slično te način zbrinjavanja istih,
- Jasno odrediti način držanja stoke primjenom kanala za izđubivanje gdje nastaje većinom tečno đubrivo – osoka ili se planira upotrebljavati stelja kada nastaje i kruto đubrivo. Na osnovu usvojenog načina držanja stoke izvršiti procjenu površine objekta osočare, odnosno površine đubrenika u odnosu na predviđeni broj pražnjenja te dati prijedlog pložaja istih na situacionom rješenju, odnosno način konačnog zbrinjavanja osoke i đubriva.
- Predvidjeti prostor za sanitaciju vozila za odvoz mlijeka te vozila za dovoz i odvoz stoke te procjenu količina nastalih otpadnih voda kao i način tretmana i zbrinjavanja istih,
- Definirati ispuste na otvorenom za stoku te dati prikaz istih na situacionom rješenju,
- Nije definirano čemu služe dvije septičke jame i dvije prelivne jame, prikazane na situacionom rješenju. Niti septik za prijem fekalnih otpadnih voda niti osočara ne mogu imati preliv, odnosno ne smije se vršiti ispušt otpadnih voda niti osoke u okolni prostor.

Podnosilac zahtjeva je upozoren da ukoliko u predviđenom roku ne izvrši traženu dopunu podneska, zahtjev će mu biti odbačen zaključkom protiv kojeg je dopuštena posebna žalba, a sve u skladu sa članom 121. stav (3) Zakona o vodama.

Kako podnosilac zahtjeva u datom roku nije izvršio dopunu podneska zahtjeva, istom je pismenim putem, dana 17.03.2022. godine, proslijeđena urgencija za dopunu podneska zahtjeva, po prethodno proslijeđenoj obavijesti.

Obzirom da podnosilac zahtjeva nije dopunio zahtjev u predviđenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama i člana 67. stav 2. Zakona o upravnom postupku rješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 (petnaest) dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- PD „FARMA BRKIĆI – GRADINA“ Vlasnik Brkić Osman, Gradina 57, 77 231 Vrnograc
- AVP Sava – ISV – Vodna knjiga
- Sektor 40 - arhiva
- oglasna ploča AVP Sava